

河曲縣志卷之四十一

典禮類

文廟釋奠禮

凡釋奠於先師之禮府州縣皆為廟曰文廟殿曰大成以四配十
二哲侑饗殿中以先賢先儒從祀兩廡歲以春秋仲月上丁釋奠

先師正位前制帛一白牛一羊一豕一登一實以太羹鉶二實以和羹簋二

實以黍稷簋二實以稻粱籩十實以形鹽藁魚棗榛栗豆十實以韭菹醯醢

兔醢笋菹魚醢樽一爵三鑪一鐙二四配位各制帛一白羊一豕一

鉶二簋二簋二實並同上籩八實以形鹽藁魚棗栗榛菱芡鹿脯豆八實以韭菹醯醢

兔醢笋爵三鑪一鐙二東西各樽一十二哲從位各制帛一劍一

菹魚醢 實以黍 簋一 實以稷 籩四 實以形鹽 豆四 實以菁菹鹿 醢芹菹兔醢 爵三東

西各羊一豕一樽一鑪一鐙二兩廡從位每二位共一案每位爵

一每案簠簋各一邊豆各四東西各羊三豕三樽三統設香案二

每案制帛一爵三鑪一鐙二牲載於俎帛正位四配異篚十二哲

東西共篚樽實酒疏布幕勺具樂器磨一編鐘編磬各十有六琴

六瑟四排簫二簫遂笙各六壎二篪四建鼓一搏拊二祝敔各一

木笏六設於階下分左右懸樂律中和韶樂春以夾鐘為宮秋以

南呂為宮樂章六奏舞佾六佾三獻均文舞舞器引舞以旌節左

右各一文德之舞以羽籥各三十有六祭之前二日承祭分獻各官皆致齋執事官補服至犧牲所省牲前一日承祭官率僚屬朝服上香監視宰牲執事官舉祝案送致齋所承祭官視畢送至前後殿安設一跪三叩退祭日日出前六刻承祭等官更衣畢通贊贊啟戶樂舞生登歌執事者各執其事文舞六佾承祭官就位分獻官就位陪祭官就位

文東武西

瘞毛血

司毛血生捧毛血從中門出埋西北隅坎內

啟牲

饌蓋迎神樂奏昭平之章司香奉香盤引贊引承祭官升東階由殿左門入詣先師香案前立司香跪進香引贊贊跪承祭官跪一叩贊上香承祭官上柱香次三上瓣香一叩興贊復位分祭官各

詣四配十二哲兩廡先賢先儒位上香如儀皆復位通贊贊跪叩
興承祭官行三跪九叩禮各官隨行禮奠帛行初獻禮樂奏宣平
之章舞羽籥之舞引贊引承祭官詣盥洗所浴水進巾司帛奉帛
司爵奉爵進承祭官入殿左門詣先師位前跪一叩司帛跪奉筐

承祭官受筐拱舉奠於案司爵跪奉爵承祭官受爵拱舉奠於正

中

亞獻奠左
三獻奠右

一叩興復位分獻官各詣四配十二哲兩廡奠獻如

儀各復位司祝至祝案前跪三叩奉祝版跪案左樂暫止承祭官
詣讀祝位跪衆官皆跪司祝讀祝畢捧祝版詣正位跪安於案三
叩退承祭官三叩興各官同叩興復位行亞獻禮樂奏秩平之章

行終獻禮樂奏敘平之章

舞並同初獻

承祭官分獻並如初獻儀乃飲福

受胙承祭官詣飲受位前跪飲福酒受福胙

執事生奉正案中爵羊左膊跪奉承祭官

拱舉畢歸之署

三叩興復位衆官同跪叩興舞文德之舞乃徹饌樂奏懿

平之章徹饌畢送神樂奏德平之章承祭官及衆官行三跪九叩

禮執事者奉祝次帛次饌次香恭送燎所各官避立西旁東面俟

祝帛過復位引詣望燎位望燎畢闔戶各退

樂章

昭平之章

迎神

大哉孔子 先覺先知 與天地參 萬世之師 祥徵麟紱

韻答金絲 日月既揭 乾坤清夷

宣平之章 初獻

予懷明德 玉振金聲 生民未有 展也大成 俎豆千古

春秋上丁 清酒既載 其香始升

秩平之章 亞獻

式禮莫愆 升堂再獻 響協鼗鏞 誠孚罍斝 肅肅雍雍

譽髦斯彥 禮陶樂淑 相觀而善

叙平之章 終獻

自古在昔 先民有作 皮弁祭菜 於論斯樂 惟天膺民

惟聖時若 彝倫攸叙 至今木鐸

懿平之章 徹饌

先師有言 祭則受福 四海鬻宮 疇敢不肅 禮成告徹

毋疏毋瀆 樂所自生 中原有菽

德平之章 送神

鳧繹戕戕 洙泗洋洋 景行行止 流澤無疆 聿修祀事

祀事孔明 化我蒸民 育我膠庠

祝文 乾隆九年頒

維某年某月某日某官致祭於至聖先師孔子位前祝曰維先師

德隆千古道冠百王揭日月以常行自生民所未有屬文教昌明
之會正禮樂和節之時辟雍鐘鼓咸薦恪以馨香泮水膠庠益致
嚴於籩豆茲當仲春祇率彝章肅展徽忱聿將祀典以復聖顏子
宗聖曾子述聖子思子亞聖孟子配尙饗

戒誓儀注

祭前三日繕祝版分職事乃戒誓設戒誓牌於明倫堂南向祭官
率各官公服詣堂前鳴贊唱跪叩興各官行一跪三叩禮唱讀戒
詞鳴鐘鼓戒誓生恭捧戒牌西向讀曰欽遵令典於某月某日丁
某祇行釋奠禮於至聖先師孔子官員職事人等自今日爲始沐

浴更衣散齋一日各宿別室不飲酒不茹葷不弔喪不問疾不聽音樂不理刑名致齋一日同宿齋所思神飲食思神居處思神笑語思神志意思神所樂思神所嗜各宜精白乃心益加敬謹戒之哉讀畢安原處唱讀誓詞戒誓生恭捧誓牌西向讀曰

國有常憲明神鑒焉讀畢捧牌安原處唱懸戒牌戒誓生捧牌恭懸龔門外唱給齋牌凡與祭官生領齋牌訖唱設誓牌戒誓生捧牌置案鼻起引導樂鳴鐘鼓設誓牌於戟門外禮畢

崇聖祠祭禮

崇聖祠春秋上丁同日致祭正位前各帛一羊一豕一鉶二簋

各二邊豆各八爵三樽一鑪一鐙二四配位各帛一簋簋各一邊
豆各四爵三東西各羊一豕一樽一鑪一鐙二兩廡從位東西二

案均簋簋各一邊豆各四每位爵一東西各帛一羊一豕一樽一

鑪一鐙二俎篚冪勺具引贊引承祭官入祠左門分獻官隨入承

祭官盥洗畢引詣殿階下正中分獻官以次序列於後均北面典

儀贊執事官各供廼職

以下自迎神至送神皆典儀唱贊

贊引官贊就位引承祭

官就拜位立廼迎神司香奉香盤進贊引官贊就上香位引承祭

官升東階由殿左門入詣肇聖王香案前立司香跪奉香贊引官

贊跪承祭官跪一叩贊上香承祭官上柱香次三上辦香一叩興

以次詣裕聖王貽聖王昌聖王啟聖王位前上香儀同贊復位引

承祭官退至殿左門北面揖出凡出殿門皆揖復位分獻官各詣四配位

兩廡從祀位前上香如儀皆復位贊引官贊跪叩興以下行禮皆有贊承

祭官行三跪九叩禮分獻官均隨行禮奠帛行初獻禮執事生各

奉篚執爵進承祭官入殿左門詣神位前跪一叩司帛跪奉篚承

祭官受篚拱舉奠於案司爵跪奉爵承祭官受爵拱舉奠於正中

一叩興以次奠獻畢司祝至祝案前三叩奉祝版跪案左承祭官

詣讀祝位跪司祝讀祝畢詣正中神座前跪安於案三叩退承祭

官行三叩禮畢仍由殿左門出復位分獻官奠帛獻爵各如儀皆

復位次亞獻奠爵於左次終獻奠爵於右四配兩廡畢獻儀均與
初獻同徹饌送神承祭官及分獻官均行三跪九叩禮執事生奉
祝次帛次饌次香恭隨燎所承祭官避立西旁東面俟祝帛過復
位引詣望燎位望燎引承祭官退

祝文

維某年某月某日某官致祭於肇聖王裕聖王詒聖王昌聖王啟
聖王曰惟王累葉鍾祥光開聖緒盛德之後積久彌昌凡聲教所
覃敷率循源而溯本宜肅明禋之典用申守土之忱茲當仲
秋春聿
修祀事配以先賢顏氏先賢曾氏先賢孔氏先賢孟孫氏尙饗

文廟祀位

大成殿正位

至聖先師孔子

東配

復聖顏子

名回字子淵魯人邾國後漢永平十五年從祀七十二弟子顏子位第一魏晉祀孔子均以顏子配唐貞觀二年以孔子為先聖顏子配饗

述聖子思子

名伋聖孫宋大觀二年從祀端平三年升列哲位咸淳三年配饗

西配

宗聖曾子

名參字子輿魯南武城人鄆國後唐開元八年從祀宋咸淳三年配饗

河曲縣志

卷二

七

亞聖孟子

名軻字子輿一字子車鄒人魯孟孫後宋元豐七年配饗

以上配位宋以前皆稱封爵元至順元年贈顏子兗國復聖

公會子邾國宗聖公子思子沂國述聖公孟子鄒國亞聖公

明嘉靖九年改稱復聖顏子宗聖曾子述聖子思子亞聖孟

子

國朝因之

東哲

先賢閔子

名損字子騫魯人唐開元八年從祀

先賢冉子

名雍字仲弓魯人唐開元八年從祀

先賢端木子 名賜字子貢衛人唐開元八年從祀

先賢仲子 名由字子路一作季路魯卞人唐開元八年從祀

先賢卜子 名商字子夏衛人鄭元日溫國人唐貞觀二十一年以經師從祀開元八年以十哲從祀

先賢有子 名若字子有或作子若魯人唐開元八年從祀 國朝乾隆三年升列哲位

西哲

先賢冉子 名耕字伯牛魯人唐開元八年從祀

先賢宰子 名予字子我魯人唐開元八年從祀

先賢冉子 名求字子有魯人唐開元八年從祀

先賢言子 名偃字子游吳人唐開元八年從祀

先賢顓孫子

名師字子張陳人唐開元八年從祀宋咸淳三年升列哲位

先賢朱子

名熹字元晦宋徽州婺源人建炎四年生慶元六年卒年七十一淳佑元年從祀 國朝康熙五十一年升列

哲位

以上哲位宋以前皆稱封爵明嘉靖九年改稱先賢某子

國朝因之有子朱子升列哲位從一例

東廡先賢

先賢公孫僑

字子產鄭人左傳魯襄公八年始見昭公八年卒 國朝咸豐七年從祀原西廡現移東廡

先賢林放

魯人惟文翁圖有之唐開元二十七年從祀明嘉靖九年改祀於鄉 國朝雍正二年復祀原西廡現移東廡

先賢原憲

字子思檀弓稱仲憲宋人鄭元曰魯人唐開元三十一年從祀

先賢南宮适

字子容魯人史記名适家語禮記名縉唐開元二十七年從祀

先賢商瞿

字子木魯人文翁圖作商瞿上唐開元二十七年從祀

先賢漆雕開

家語字子若史記字子開蔡人鄭元曰魯人唐開元二十七年從祀

先賢司馬耕

字子牛宋人家語作司馬黎耕唐開元二十七年從祀

先賢梁鱣

或作鯉字叔魚齊人唐開元二十七年從祀

先賢冉孺

字子魯或作曾魯人唐開元二十七年從祀

先賢伯虔

字子析家語名處字子哲魯人唐開元二十七年從祀

先賢冉季

字子產魯人唐開元二十七年從祀

先賢漆雕徒父

家語名從字子文或云字子友文翁圖父作夫唐開元二十七年從祀